

醫

學

綱

目

醫學綱目卷之十九

癰疽所發部分名狀不同 疔瘡 石癰

諸腫 瘰癧附馬 結核 瘰癧 偷鍼

天蛇頭代指 甲疽嵌甲 乳癰乳巖

囊癰陰頭癰 便毒 貼骨癰 內癰有

三 肺癰腸癰胃脘癰

五臟身有五部伏兔一腓二腓者膈也背三五臟膈四

項五此五部有癰疽者死寒熱病篇王海藏云膈繫於項

不可患癰疽者七處 眼後虛處 頤接骨處 陰根

根上毛間腓與尻骨接處 耳門前後車骨接處 諸因

小腹風水所成癰疽 頷骨下近耳後虛處 鼻骨中並

能害人但以諸法療之或有得瘥唯眼後虛處最險 正

腦上一處起為腦癰及腦疽腦鑠並在大椎骨上入髮際

通於經  
在受管  
部分

癰疽宜  
宜三破

生腦癱皮起易得破穴急破急出膿不害腦疽皮厚難得破穴須急發內毒使破穴方可

腦癱難愈

腦鏢一處初起如橫木掘上起頂門下止大椎發腫如火

燒其色青黑如靴皮大硬不見膿即損外皮如犬咬去肉

之跡難愈錄式切

髮發防漏

左右髮兩處癰疽癩初起如虫咬癭疹痛腫不赤紅難見膿汁是為鬢發此亦危篤之患既損破多為漏瘡

左右髮際起如粟米頭白肉赤熱痛如錐刺此疾婦人患

多丈夫患少始因風濕上攻髮際亦宜出膿無傷

左額右額發赤疽不拘大小狀如桃李急宜藥貼破見膿

額發太陽發疽

無害右額角一處發毒疽及惡癩為近太陽穴如腫滿太

慎風水

陽即成虛損為近穴而難消不可破如破後傷外風水即

能害人亦宜用藥潰膿後速飲合瘡口如經冬月即成冷

瘡緣此處近太陽穴上至額角都爲險處

左右太陽穴或發疽癰及癰五七日不清毒氣流入眼眶攻眼眼合不開用藥貼破破後慎外風水所入卽損其睛疰損眼臉而成大疾

發眉處

攻眼處

太陽

左右眉稜兩處發爲發眉不拘在頭尾宜慮未穴已前攻擊在眉頭卽攻入眼損睛在眉後卽攻入太陽並宜戒慎鼻下一處人中兩處爲發髭此多因摘髭外入風而結攻作不常寒熱相併此亦害人

發頤

牙大發  
忌風水

下頤一處發爲發頤肥人多有此疾恐手搔傷而發腫左右牙又骨接處發癰疽處腫脹攻骨及牙關張口不得因諸風熱上攻或多食煖灸之物所爲或因患牙癰卽從牙縫中破出膿血切忌外風水觸犯

臂骨發  
忌風水

垂臂兩處發接骨下臂驚上起如鷄鴨卵大皆由榮衛不

調所爲也喜患實處而不透內亦宜急消或發穴早療

兩臂肘起在接骨下引手至小骨之上發癰癤此處雖實  
奈連大小筋骨舉動不便垂手多墜疼如膿深沉徹骨卽  
傷筋脈拳縮不舒搗撮宜急以緩慢筋脈藥餌治之

發手背  
兩手背發癰疽初生如水刺無頭腦頑然滿手背腫滿後  
聚毒成瘡深入至骨而爲發手背此屬五種皆發毒之類  
也

發內  
兩肋起疽名爲發肋初腫盛至十數日不穴攻卽腫大如  
杯碗高如鋤背痛徹內腸絞刺左邊患應右邊痛右邊患  
應左邊痛唯有此處多是內毒却入攻而死者多人有斯  
患急以針刺出膿血則免內攻傷內矣

三里發  
三里兩處起癰疽初發如牛眼睛青黑便五七日破穴出  
黑血汁膿腫攻勝肚連腿裏拘急冷疼此因傷筋氣勞力

接骨  
上接骨  
損筋

脚心發  
毒淺可  
治深不  
可治

上焦宜  
用解利  
藥水  
風水

中焦宜  
用解利  
藥水  
攻防內

所成宜用湯藥注射去其外毒自平息矣

兩脚接骨近上勝肚下一處起丹疽如胡桃大硬如物打  
搯之狀不苦疼但腫急脹慮其損筋亦須早出膿毒可保  
平安也

兩脚心發徹骨者不治如脚心微皮破不至深發膿不多  
者可治 癰發雖重不至損人但世人不曉醫治自至危  
殆耳

上焦發癰為陽是壅塞實候宜解利溫涼湯藥去其積熱  
上攻外即貼消毒通腫藥如已結定即用發穴藥候穴破  
出其膿毒腫平方貼生肉等藥然後飲合瘡口亦慮外傷  
風水勿食發風熱醬麪毒物等忌房事

中焦發癰至腰上一節前後心不定所在皆是滯滯候亦  
乘虛而作不拘大小前起心堆尾者最要緊近兩腋是虛

下焦  
用和平

處兩脇肋下至臍上及臍下兩傍一二寸發癰填氣伏硬  
難潰膿爲此等處偏難發穴穴後難合瘡口並須先用煖  
內藥服後用熱藥貼令軟和慢慢破穴不得急破急破卽  
朝夕出膿不住緩慢破穴卽一頓出膿易爲將息後心者  
唯有十一椎脾俞下十四椎上爲腎俞腎俞下爲腰俞兩  
處起癰者防毒氣內攻爲此處皆是至虛處凡有癰起先  
須補內氣令實方可攻破內氣實則不內攻且易得潰唯  
腰俞兩處多成漏疾預防節慾則免矣。

下焦發爲流注虛損候前陰股兩處起如鷄卵大長橫摺  
內初起腫核結塊後四畔浮腫相併伏硬色青黑先用和  
平內藥服三五日後用發穴散及發藥令軟卽穴穴後其  
瘡口卽隨摺子內作長瘡瘡口破宜急用抽毒膏出膿膿  
盡便貼合瘡口藥爲此處無肉可壞更不須長肉也。

便毒

腿脛兩處起為便毒，膝下兩髁，尖下大道前小道後道

成癰，癰皆是虛極人患此癰，近發道左右亦名痔癰，宜急

補脾臟及發處貼藥，即用發穴散破，後用抽膿膏，膿盡用

合瘡口散，合之慎勿過冬，即成冷漏，難治。

垂珠左右兩處起癰，為驢馬墜，初起大小不定，此處微實

皮肉薄紋緊，口亦難合，瘡初起宜以消散藥貼，令內消，此

處亦易成漏，瘡唯宜消散之，硬即恐緩慢，難為功矣。又云

交膻一處，近稜線上，亦為驢馬墜，防漏。驢馬墜是也。

兩曲脈，膀胱下內外兩踝，前有廉刃，兩邊為裏外廉，上結

癰腫，此處近骨難瘥，宜用收毒散，外貼四畔，中心即用活

血肉藥貼，無害。

下至兩脚心發癰，癰沉深不治，如微似皮薄易破者，猶可

也。凡有癰腫，皆屬六腑有疾。

兩垂珠  
兩明眼  
防漏



癰發於隘中名曰猛疽猛疽不治化爲膿膿不瀉塞咽

半日死其化爲膿者瀉則合豕膏冷食三日而已發於

頸者名曰天疽其癰大而赤黑不急治則熱氣下入淵腋

前傷任脈內薰肝肺薰肝肺十餘日而死矣俱出瘰癧篇下同

百脈疽腫起環頸項疼痛身體大熱不敢動止悄悄不

能食此有大畏恐駭上氣咳嗽其發引耳不可以腫十五

日可刺導引不刺導引見血八十日必死土龍疽發背

起胃俞及腎俞大發寒熱十數日大汗展頸引身盡熱如

沸不穴二十日死九日可刺不刺其上下亦黑若膿青黑

者死血膿者不死

陽氣大發消腦溜項名曰腦燂其色不樂腦項痛如刺

以針煩心者死不可治

赤色疽發頭額及腦前并手掌中十日不穴者死七日

可刺出赤血七日未有膿不可治

不穴者不作穴而東攻西擊也

疔疽

發鬚鬚及兩耳不穴十五日死可刺其膿色黑如豆豉或

見血者死

黑疽發大椎骨上連兩夾脊上七日可刺導

引為癰疽出膿不可止吐碎骨身痒後痛者此故傷寒氣

入臟腑發為食疽也九日可刺導引之不刺不導引十一

日死

發於肩及臑名曰疵癰其狀赤黑急治之此令人汗出

至足不害五臟瘡發四五日逆熇之

瘡疽篇○此當入瘡

疔疽發兩肩惡血留結內外榮衛不通發成疔疽五日

腫大令人口噤寒戰十二日可刺不治二十日死 陳乾

疽腫發起兩肩及兩大臂連胛骨二七日痛不息亦不可

動五十日身熱不赤六十日可刺刺之無血者死

發於腋下赤堅者名曰米疽治之以砭石欲細而長踈

砭之塗以豕膏六日已勿裹之其癰堅而不潰者為馬刀  
挾癰急治之

**瘡**內疔疽發兩腋下及臂并兩手掌中振寒熱血噎乾飲  
多即嘔煩心忪脘脈盛六七八日診如此可汗不汗死

**癰**發於胸名曰井疽其狀如大莖三四日起不早治下入

腹不治七日死矣 發於膺名曰甘疽色青其狀如穀實

瓜瓢常苦寒熱急治之去其寒熱不急治十歲死死後出

膿 發於脇名曰敗疵敗疵者女子之病也灸之其狀大

癰膿其中乃有生肉大如赤小菘治之劉蔭蘊草根各一

升以水一斗六升煮之竭為取三升即強飲厚衣坐於釜

上令汗至足已

此疾虫切○甲乙經於赤小菘下  
作治之劉蔭蘊赤松根各一升

**瘡**使癰疽腫起發肋及兩肩肘頭二十日不穴死九日可

刺發赤白相間膿多可治全無赤白者不治 蜂疽發髀

背起心俞及心包絡俞若肩髃二十日不穴死十日可刺  
其色赤黑膿清者不治 特疽發肺俞及肝俞不穴二十  
日死八日可刺其色紅赤內隱起如椒子者死 陰陽二  
氣疽廣濶滿背或大或小不常腫熱脹大十日可刺導引  
出膿不拘深淺多少發渴體倦十日外不見膿不治 筋  
疽發夾脊兩邊大筋上其色蒼八日可刺有瘡在肥腸中  
九十日死 衝疽發小腹疼痛而振寒熱四日悄悄五日  
變色可刺不刺卽導引出膿毒不治五十餘日死

發於尻名曰銳疽其狀赤堅大急治之不治三十日死

矣治見經  
虛條

疽湧泉疽腫起發太陰如伏鼠二十日不穴死十日可刺

發清膿赤黑者死白者可治太陰尻尾  
前是也

發於股脛名曰股脛疽其狀不甚變色癰腫內薄於骨

不急治三十日死矣股腫劉滄子作股陽發於股陰名曰赤施不

急治六十日死在兩股之內不治十日死

**疽**陰疽發腿髀及陰股始發腰強數飲不能多七日發堅腫脹惡疼心煩躁死不治

**疔**發於膝名曰疔疽其狀大癰色不變寒熱而堅勿石石

之者死須其柔乃石之者生聖如石者用生稗陸根繁之則効諸癰疽

之發於節而相應者不可治也發於陽者百日死發於陰

者三十日死陽謂諸節之背陰謂諸節之脘却問劉滄子云應者內發透外也發於脛

名曰兔齧其狀如赤莖至骨急治之不急治害人也發

於內踝名曰走緩其狀癰色不變數石其輪而止其寒熱

不死發於足上下名曰四流其狀大癰不急治之百日

死發於足傍名曰厲癰其狀不大初從小指發急治去

之其狀黑者不可消輒益不治百日死發於足指名曰

脫癰其狀赤黑者死不治不赤黑者不死治之不哀急斬之否則死矣

**疔** 疔毒發兩足指五日不穴死四日可刺其色發黑癰者不堪未過節者可治 陽疽起足趺及足下二十日不穴死十日可刺發赤白膿血不多其瘡上痒及赤黑者死 禽疽始發者如涼數十處如拳打之狀發寒齒噤如此者十四日死十日可刺導引膿出即愈 衡疽發如腫或時復往來可要其所刺之導引膿出即愈 丹琥珀膏

歸鬚

川芎

黃芪稍

蜂房

細辛

皂角

升麻

甘草稍

草麻子

木鱉子

芍藥

白欬

獨活

川椒

藜蘆

防風稍

枸杞子

苜蓿

降真香

官桂

瓜蒌

蘇木

白芷

杏仁

黃連

槐枝

以上各

琥珀

沉香

木香

丁香

藿香

零陵香

雲母石

乳香

雄黃

硃砂

安息香

甘松

以上各

輕粉

麝香

髮灰

白礬

枯一兩已上十

六味爲極細末

羊腎脂

真酥

香油

斤四

黃丹

右先以前十六味剉槌碎用水五升文武火熬至二升半去查再用水五升又熬至二升半去查與前汁一處慢火煎用槐枝不住手攪成膏用磁器盛頓起將後琥珀等十六味研爲極細末用帛包起於前膏內下淨羊脂四兩真酥二兩同膏入香油內攪令勻以文武火熬

膏內水盡用昏擦點油燒不爆爲度漸入黃丹以二兩五錢重爲一次仍用槐枝不住手攪滴水不散軟硬得所如軟添黃丹如硬添油再上火熬却入前藥細末五兩微煎數沸用磁器盛貯如用於紙上攤之量瘡口大小專治五發惡瘡疔腫癰癤遠年冷疔痔漏一切無名惡瘡蛇傷蝎螫大吹並皆治之

疔瘡

疔瘡皆生四肢發黃痂中或紫黑必先痒後痛先寒後熱也

表裏

丙午歲予居葉城人多患疔瘡縣尹董公謂予曰今歲患疔瘡者極多貧民無力醫治近於史侯處得數方用之者無不效官給藥錢君當捨手治之遂諾其語董公榜示通衢命予施藥如此一年全活甚衆其用保生錠子千金



托裏散神聖膏藥破棺丹凡四方

保生錠子治疔瘡背疽癰癤一切惡瘡

金脚信二錢

雄黃三錢

輕粉二錢

硃砂三錢

麝香一錢

巴芫四十九粒

輕粉二錢

加蟾酥一錢

右為細末用黃蠟五錢溶開將藥和成錠子冷水浸少

時取出旋丸捏作餅子如錢眼大將瘡頭撥開每用一

餅次用神聖膏後用托裏散若瘡氣入腹危者服破棺

丹世傳疔瘡必有一條紅線可針紅

神聖膏藥治一切惡瘡

當歸

藜本各半

沒藥

乳香各二錢

白芨

琥珀各二錢

黃丹二兩

白膠香二兩

黃蠟二兩

粉霜一錢

木鱉子五十箇

巴芫十五粒

清油

槐柳枝各一百枝

騰藥一錢

右件一處先將槐柳枝下在油內熬焦取出復下餘藥  
熬勿至焦濾出却將油澄清下黃丹再熬成膏用緋帛  
攤之立有神効

托裏散治一切發背疔瘡

黃芪一兩半

厚朴二兩

川芎

防風

桔梗各二兩

白芷一兩

連翹二兩

芍藥

官桂

甘草節

人參各兩

木香

沒藥

乳香

當歸各半兩

右爲細末每服三錢酒一大盞煎二三沸和查溫服

破棺丹治瘡腫一切風熱

大黃

二兩半生半熟

甘草

芒硝各一兩

右爲細末煉蜜丸如彈子每服半丸食後溫酒化下或

童溺半盞研化之忌冷水

**金砂散**取疔瘡

道人頭微妙存性一兩和蒼耳子

硃砂三錢半

雄黃三錢

蟾酥以多為妙

右將瘡四圍刺破以少油調藥末置於瘡內緋帛封之

數日疔自出如瘡入腹嘔逆者將蒼耳搗汁飲之但用一方

銅餅沒黃等分研細用瓷瓶先破瘡頭去血入藥於大生瘡口內搥花貼之亦妙

**蒼耳散**治一切疔腫神効用蒼耳草根莖苗子但取一

色便可用燒灰存性研細用好米醋米泔澄淀和如泥隨

瘡大小塗上厚二分乾即易之不過十度即拔根出須針

破塗之更加雄黃尤妙

**世蒼耳**與白梅研爛貼疔上拔去根

**蟾酥丹**治疔瘡取蟾酥以白麩黃丹搜作劑丸如麥粒

狀針破患處以一粒納之

取蟾酥法用礪地破眉發上用  
手尖出髓干沙布或桑葉上用

竹筴刺下然後插之  
背陰處自乾用之

**苦苣搗汁傳疔瘡殊驗**青苗陰乾以備冬月爲末水調

傳

本草云取苦苣莖中白汁傳疔  
勝出根又取汁滴莖上立消

**治疔用磁石爲末苦酒和傳封之**根出立瘥秘

**疔瘡用白蘘爲末水調傳之**聖惠方

**治疔瘡用麻內蛙虫一條**研傳瘡上却用膏藥貼上一

**飯時去膏藥其疔自出**

治疔瘡最有功效用蟬蛻僵蚕爲末酸醋調塗四圍留瘡  
口俟根出稍長然後拔去再用藥塗瘡海藏方單用僵蚕  
爲末津調塗亦佳

**治疔瘡奪命散**

烏頭尖

附子底

錫稍

雌黃

雄黃

各一錢

蜈蚣

一兩

礪砂

少

粉霜

輕粉

各五分

砒

二錢半

腦子

少許

麝香

少許

右爲細末先破瘡出惡血以草杖頭用帛帶藥末插入于內以深爲度

**四**日本三藏傳疔瘡方江子肉十粒半夏一大顆研末附

子半枚走蠅一枚各爲末四味臭麝香也相和看瘡大小以

帛繩子圍瘡口以藥泥上又用絹帛貼傳時換新藥以可

爲度此方活人甚多

**五**治疔瘡甚者用附子末醋和塗之乾卽再塗

千金方同

**六**琥珀膏

方見瘡疽下傳方

又方用鐵刀斲破疔頭以蟾酥傳之後用野菊花

莎草根

甜菜葉

搗細以無灰酒盞量調服

之酒醒疔化水卽痛定如熱除不必去疔亦自愈也

世方

治疔瘡

獨脚茅

防風

細辛

甘草節

白僵蚕

青皮

黃連

羌活

獨活

蟬腿

赤芍藥各等分

右咬咀每服五錢先將一服加澤蘭葉少許薑一兩同搗爛熱酒和服然後酒水各半薑薑三片煎服此方神

効

無治十三種疔皆以此法治之

以緋帛一片裹藥取匝爲限先用亂髮鷄子大攤布帛上牛黃如桐子大又以棘刺針二十一枚赤小荳七粒爲末並布髮上捲緋綿作圍外以髮作繩十字縛之置熨斗中急火燒灰研細以枸杞或子或根皮枝葉隨得爲末用枸杞末二七緋帛灰一七共成三七研勻分二

服空心温酒調下

取汁

**四** 奪命丹治疔瘡發惡心及諸惡瘡

蟾酥

半錢

硃砂

水飛三分

輕粉

枯礬

寒水石

水飛各一錢

銅綠

一字

麝香

一字

海羊

二十箇研即蟾牛也

右件爲細末將海羊另研爲泥和藥一處丸如棗豈大如丸不就加好酒成之病輕者一九二九重者三九未效再服服時嚼蔥白一大口極爛置手心放藥丸於蔥內裹合以熱酒送下暖處臥取汗出爲效忌米水

**端** 返魂丹治十三種疔

硃砂

膽礬

各半

血竭

銅綠

蝸牛

生用各一兩

雄黃

枯白礬

各一兩

輕粉

沒藥

麝酥

各半

麝香

少許

瘡毒入腹

右將蝸牛蟾酥研爛餘藥爲細末同研和丸如鷄頭大每服一丸令病人先嚼蔥白三寸吐在手心將藥丸裹在蔥白內用熱酒一盞吞下如重車行五里許有汗出卽瘥如不能嚼蔥研爛裹下極効

治疔瘡毒氣入腹多嘔吐欲死者卽服內托香粉散滴乳半兩另研真菝蓂粉一兩爲細末煎生甘草湯調三錢時時飲之常令灌潤胸膈

一方用婦黃菝蓂粉乳香等分爲末水調服

**世**疔瘡入腹嘔者煎道人頭濃汁飲之  
治疔瘡毒氣入腹昏悶不食

紫花地丁 蟬腿

貫仲 各一兩

丁香

乳香 各二錢

右爲細末每服二錢空心溫酒下

紫花地丁麥熟時有之開紫花質甚廣如

蒲公英狀但蒲公英開黃花地丁開紫花



**瑞** 治疔危篤者二服卽愈輕者一服立効

土蜂房

小窠全本草云土蜂房有去毒利大小便

蛇蛻一條

右作一處器皿中盛用黃泥封固火煨存性研爲細末每服一錢空心好酒調服少頃腹中大痛痛止其瘡已化黃水矣仍服五聖散

大黃

兩一

生薑

兩二

瓜蒌

兩一

皂角針

兩二

甘草

兩一

金銀花

兩二

右哎咀用好酒二升同煎至八分去渣不拘時服

**羅** 破棺丹

一方有當歸赤芍連翹牡蠣金銀花紫花地丁宜選用之

山梔

牽牛末

大黃

各一兩

甘草

京三稜

炮各七錢

右煉蜜丸如彈子大酒化服之

**世** 治疔瘡最驗用蒼耳真牡丹各一大握搗爛新汲水或

順流水調服一碗瀉下黑水即愈

有果者  
熱下之

追毒丸

海浮石

燒赤醋炒  
七次半兩

乳香

沒藥各一錢

巴豆

四十粒

川烏兩

右為末醋糊丸如桐子大若患二三日服十九五六日服十四丸隨病上下服之先喫冷酒半盞或一盞又用冷酒吞下如嘔吞之不妨出藥依上服之病人大便不動再用三九如疔看得端的爪破用頭垢留患處後服藥

治方  
危因通

肘後犯疔腫垂死菊花葉一握搗絞汁一升入口即活

此神驗亦用其根

丹溪云根莖葉花  
皆可紫梗者佳

疔腫困重生搗蒼耳根葉和小兒尿絞汁冷服一升日

三服甚驗

灸

**世**疔瘡於所屬經絡各瀉之 疔瘡者必發於手足之間生黃疱其中或紫黑色有一條如紅線直上倉卒之際急宜以針於紅線所至處刺出毒血然後以蟾酥乳香膏等藥於正瘡上塗之針時以病者知痛出血爲好否則紅線入腹攻心必致危困矣

**百**治疔腫以針刺四畔用石榴皮末着瘡上調麩圍四畔灸痛爲度調末傳上急裏經宿連根自出

禹錫患疔腫中風疼痛者爛驢馬糞熨瘡滿五十遍極効  
**無**一曰麻子疔其狀肉上起頭大如黍米色稍黑四邊微赤多痒忌食麻子及衣布并入麻田中行 二曰石疔其狀皮肉相連色如黑甚硬刺之不入肉內陰陰微痛忌瓦爍墼石之屬 三曰雄疔其狀炮頭黑靨四畔仰炮葉起有水出色黃大如錢孔形忌房事 四曰雌疔其狀瘡

診忌

頭稍黃向裏屬赤似灸瘡四面胞漿起心凹色赤大如錢  
孔忌房事 五曰火疔其狀如湯火燒灼瘡頭黑鱗四邊  
有胞漿起如赤粟米忌火灸燥 六曰爛疔其狀色稍黑  
有白癩瘡中潰潰有濃水流出瘡形大小如匙面忌沸熱  
食爛帛物 七曰三十六疔其狀頭黑浮起形如黑豈四  
畔起大赤色今日生一明日二後日三乃至十若滿三十  
六藥所不能治俗名黑胞忌嗔怒畜積愁恨 八曰蛇眼  
疔其狀瘡頭黑皮上浮生形如小豈狀似蛇眼大體硬忌  
惡眼看并嫉妬人見之及毒藥 九曰鹽膚疔其狀大如  
匙面四畔背亦有黑粟粒起大忌食鹹物 十曰水洗疔  
其狀大如錢形或如錢孔瘡頭白裏黑鱗汁出中硬忌飲  
漿水水洗渡河 十一曰刀鎌疔其狀潤狹如雉葉大長  
一寸左側肉黑如燒爍忌刺及刀鎌切割鐵刃所傷可以

藥治不可亂攻 十二曰浮瀝疔其狀瘡體圓曲少許不合長而狹如殭葉大肉黃外黑黑處刺不痛黃處刺則痛  
十三曰牛拘疔其狀肉皴起搨不破

此十三種初發必先痒後痛先寒後熱熱定則寒多四肢沉重頭痛心驚眼花若大重者則嘔逆嘔逆者難治其麻子疔一種始末唯痒所最忌者不得觸犯犯即難治其浮瀝疔牛拘疔兩種無忌縱不治亦不殺人欲知犯觸但看脊強瘡痛極甚不可忍者是犯禁也

施步  
孝切

### 石癰

治石癰如石不治腫者生商陸根搗擦之燥則易之取軟為度

張文仲

癰未潰以苦苣白汁滴之立潰本草云亦出

疔根

木香散治瘡難消不能作膿痛不止酒調下三錢

方見  
瘡癰

諸瓶

卒腫起大痛元背根大者杵之和苦酒如泥煮三沸

上包之氏風毒腫三年苦酒濃煎蔥白以布包慰腫上

外壅治一切熱毒腫而陸根和鹽少許傳之日再易

秘要治一切毒腫疼痛不可忍者搗草麻仁傳之立瘥

人食治腫瘰癧子一升炒黃杵細以香油和如泥再炒

方治腫瘰癧子一升炒黃杵細以香油和如泥再炒

令焦以舊布如腫之大小攤之貼腫上勿開頭搭上

治惡刺及狐狸刺毒腫取蒲公英草根白汁傳之多塗

立瘥余七月十五日夜左手中指背措着庭木痛不可忍

十日後瘡日深漸高大痛欲死用此而安

患熱腫水研山荳根濃汁塗乾再塗

臘月中以新瓦罐滿注熱水用朴硝二升投湯中攪散

掛北簷下俟硝滲出罐外却收之以人乳汁調半盞掃一

切風熱毒氣攻注目臉及發頭面四肢腫痛應手神効

腫毒或疼痛處以赤小豆為末水調傅頻換或用香白

芷水調傅尤妙 又方白芙蓉葉晒乾同皂角為末水調

傅

治諸處皮裏面痛何首烏末薑汁調膏以帛裹於痛處

用火灸皮鞋底熨之妙

經驗方

療癰馬刀

結核連續者為癰癭形長如蛤者為馬刀

表裏交攻

曲陽縣劉禪師善治瘡瘍癰癭其効更捷授予四方太

乙膏玉燭散効散翠玉膏用之每每見効

太乙膏治癰子瘡神効

沒藥四錢

清油斤一

黃丹兩五

腦子研一錢

麝香三錢

輕粉

乳香各二錢

右以清油黃丹熬成膏用柳枝攪又用慈蔥七枝旋旋  
加下蔥盡爲度下火不住手攪至滴水不散却入沒乳  
腦麝輕粉等味攪勻磁器內盛用

魘効散

斑猫

四十九箇不  
去翅足炒

官桂

半錢

粳米

四十  
九粒

赤小荳

四十粒  
九粒  
碾砂半錢

右五味研爲細末初服一字次服半錢次服三字又次  
服四字煎樟柳根湯送下空心服以小便淋瀝併作瀉  
爲効惡心嘔吐黃水無妨其癩癩日日自消矣  
玉燭散治癩癩自消和血通經

當歸

芍藥

大黃

甘草

熟地

芒硝

黃芩

川芎

各等分

右爲麤末每服三錢水一盞生薑三片煎至七分去渣



溫服日進一服七八日効

翠玉膏

方見藥考

內除膿腐之本

楊氏家藏治瘰癧方

荆芥

白僵蚕

黑牽牛

各二錢

斑猫

二十八箇去頭

翅足用  
大米炒

右爲末臨臥時先將滑石末一錢用米飲調服半夜時又一服五更初却用溫酒調藥一錢或二三錢量強弱用服訖如小便無惡物行次日早再進一服又不行第三日五更初先進白糯米稀粥湯再進前藥一服更以燈心湯下調琥珀末一錢重服以小便內利去惡毒爲愈如小便痛用青黛一錢以甘草湯調送下卽止

三聖丸治瘰癧

丁香

五粒

斑猫

十箇

麝香

另研一錢

右爲末用鹽豉五十粒湯浸研爛如泥和前藥令勻丸如棗葢大每服五七丸食前溫酒送下日進三服五七日外覺小便淋瀝是藥之効或使下如青筋膜之狀是病之根也忌濕麪葷食

**保連翹湯**

連翹

斤一

瞿麥

斤一

大黃

兩三

甘草

兩二

右剉每服一兩水二碗煎至一盞半早食後已時服在項兩邊屬足少陽經服藥十餘日後可於臨泣穴灸二十七壯服藥不可佳至五六十日方効 一方加大黃木通貝母一作知母各五兩雄黃七分檳榔半兩減甘草不用同前藥爲細末熟水調下三五錢

**無**必勝丸治療癩不以年深月近及腦後兩邊有小結塊連復數箇兼勞瘵腹內有塊

鯽魚

一箇去腸并子

雄黃

一粒雞子大

硃砂

一錢已上

二味並入

在鯽魚腹內押安魚

干炭火燒

烟盡取出

蜈蚣

一條

蓬朮

兩半

梔子

五箇

皂角

二枚已上

味並燒布杜

草麻子

五箇去皮

燈上燒

黃明膠

三文

右爲末另用皂角二挺去皮槌碎以水三碗揉去滓煮

精羊肉四兩爛軟入輕粉五匣男子乳汁半兩同研成

膏和藥末丸如菴荳大硃砂爲衣溫酒浸晨下十九一

服至晚看肉疔瘡子若項有五箇則以五服藥取之視

其所生多少以爲服數既可更進數服

白花蛇散治久漏瘰癧發於頂腋間增寒發熱或痛或不

痛

白花蛇

酒浸軟去皮骨焙乾二兩

犀角

兩半

黑牽牛

半兩半生

妙

青皮

兩半

右爲末每服二錢加膩粉半錢研勻五更糯米飲調下  
已時利下惡物乃瘡之根也更候十餘日再進一服忌  
發風壅熱物如已成瘡一月可効神驗

**小犀角丸**常服除去根本截其源流應効如神諸癰並  
宜服之

犀角

青皮

陳皮

各一兩

黑牽牛

一兩

半兩

連翹

兩

右爲細末用皂角二條去皮弦子炮槌以布絞取汁一  
碗許又用新薄荷二斤研取汁同熬成膏以前藥末爲  
丸如桐子大每服二十九連翹煎湯食後服間以薄荷  
茶湯服

**子和**

一婦人病瘰癧延及胸臆皆成大瘡相連無好皮肉  
求戴人療之戴人曰火滌所勝治以醢寒命以滄鹽吐之

外敷藥方

即一吐而着，加次用涼膈散解毒湯等劑，皮肉反復如初。

**治瘰癧未破者如神百藥不應者累効**

杏樹葉

陰乾爲末五分

萬年霜

火煨爲末二分半，即人中白

扁蝠

火焙乾爲末二分半

白花蛇

燒爲灰，存性，爲末二分半

蜜蜂

七箇，焙爲末

右將杏樹葉末用清水調却，入前四件藥末調勻，傅患處，却將皮帛一片用針刺孔貼藥上，如乾用清水就昏上刷之，每一晝夜換藥一次，如面上發熱服清涼飲子數貼，其熱自退。

**敗散瘰癧方神効**

白膠香

海鯧鱗

降真香

用心無土蒸者

右等分爲末，摻患處，外以水帛掩之一夕而退。

已破者

蜜蜂

二十

蛇蛻

七分

蜈蚣

二條 端午前收者

右用香油四兩將前三藥入油內用文武火熬成入光

粉二兩用葉枝七條如筋大者急攪候冷出火氣七晝

夜方可用帚攤作膏貼患處

已上二方得之於義門柳氏累驗不煩服藥貼上五

七日便消

貼瘰癧方用大烏頭五箇火炮五箇生用並去皮臍大

皂莢二條半以好米醋二鍾刷炙醋乾爲度一半焙乾並

去黑皮又用炒糯米一百六十粒同研末以好米醋於火

上畧頓微煖傅貼患處入蜜少許尤佳 不問有頭無頭

大蟾五枚日乾細研酥調如麪日兩度貼之

出聖惠方蟾一作蜘蛛

或破或不破項以下至胸前者皆治之用九真藤如雞

卵大洗生嚼常服之取葉搗覆瘡上數服即止

出斗門方九真藤即

何首烏也

**蝸牛散**治瘰癧潰與未潰皆可治

蝸牛

不拘多少以竹簽穿瓦上懸乾燒存性

右爲末入輕粉少許猪骨髓調用紙花量瘡大小貼之  
一法以帶殼蝸牛七箇生用取去肉入丁香七枚於七殼內燒存性與肉同研成膏用紙花貼之

**瘰癧**項後側少湯經中疔瘰不辨肉色不問大小及月日深遠或有赤硬腫痛用

生山藥

法草麻子一箇

右研勻

攤貼之如神

外溪云山藥補陽氣生者能消腫

不去其毒爲實共腫硬之謂手故其毒則腫帶自不容不行

**世粉全散**

黃栢

草烏等

爲末蜜調傅之

清涼散餅

山慈姑生用

良薑等分

右俱搗爲餅去汁罨之能散去寒熱或以山慈拈磨調酒服大妙此藥大能散癰如神

**龍泉散塗癰**

瓦粉

龍泉粉炒即磨刀石上粉也

昆布去土

廣茂

京三稜各半兩酒浸炒乾

右件同爲極細末煎熱水調塗之用此去疾尤速

**世治癰**用鮑魚堯花燒灰存性水調傳 治鼠瘻小嫩鼠未出毛者焙乾蝙蝠糞小麥炒鬼箭根焙乾各爲末和勻油調傳乾再傳之

**本治鼠瘻**瘰癧刺蝟皮瓦上炒右一味研爲末加水銀粉乾傳

**治瘰癧**經年不瘥者生玄參搗碎傳上日一易之



**外** 治癩癧燒狼屎灰傳上

**木** 治諸癧疾

硃砂

砒霜

礞砂

馬牙硝各等分

右乳鉢內研細麪糊搜如香附子狀相瘡口大小作之  
盡送入瘡口中恐腫時用薄葑研細塗之待收口却將  
大栢皮白丁香並爲末盡入孔中如邊不乾却用江子  
去殼不拘多少用麻油煎令赤去火氣後去江子入蠟  
合如膏看瘡口大小塗之及將白芨末水調塗上立効  
治漏癧用蛇菰子不拘多少瓦上晒乾爲末用紙撚蘸藥  
入瘡口立効蛇菰子未詳  
恐即慈菰子

**聖** 又方用大田螺肉燒存性爲末麝香少許濕則乾摻乾  
則油調傳

**脈** 人年五六十其脈浮大者痺俠背行苦腸鳴馬刀俠癭

虛實

者皆爲勞得之

又治瘰癧

人參

白朮

當歸

陳皮

芍藥

酒浸各一錢

川芎

香附

茯苓

半夏

各五分

甘草

少

右作一服薑二片以金銀藤煎湯一鍾半煎前藥食後就吞絳宮丸五十粒

又方絳宮丸

大黃

酒蒸二兩

山查

連翹

川芎

當歸

洗酒

麥芽

桃仁

蘆薈

甘草

芸薹子

一兩

黃連

酒浸

南星

酒浸

海藻

酒洗一兩半

升麻

羌活

桔梗

防風

兩半

白朮

二兩

黃芩

酒炒

右用神麩糊爲丸已破加人參一兩作膏用甘草節僵  
蚕同煎

治頸上塊動者

夏枯草末

六錢 甘草末一錢

右和勻每服一錢至二錢茶清調下食後

**因**言夏枯草大治瘰癧散結氣有補養厥陰血脈之功而  
經不言觀其能退寒熱虛者儘可倚仗若實者以行散之  
藥佐之外施艾灸亦漸取効此草三四月開花夏至邊便  
枯蓋稟純陽之氣得陰則枯耳世人不知故表而出之  
內瀉病本之法並見前表裏條

治瘰癧

**因**連翹散堅湯治耳下至缺盆或至肩上生瘡堅硬如石  
動之無根者名馬刀瘡從手足少陽經中來也或生兩脇  
或已流膿作瘡或未破並皆治之

當歸酒洗

黃芩生半兩

上瓜根

酒炒一兩芍藥一錢

柴胡根二錢

連翹兩半

蒼朮三錢

草龍膽酒洗一兩

黃芩

酒炒七錢

甘草炙六錢

黃連

酒炒三錢

廣茂

酒炒半兩

京三稜

剉半兩同廣茂酒洗一次微炒乾

右以一半爲細末煉蜜爲丸如棗葢大每服一百九或

一百五十九一半咬咀每服半兩水一盞八分先浸半

日煎去查熱服臨臥頭低脚高去枕而臥每口作十次

嚥留一口送下九子服畢如常安臥

升陽調經湯治遠項下或至頰車生瘰癧此症出足陽明

胃經中來也若其瘡深遠隱曲肉低是足少陰腎中來也

是戊傳癸水夫傳妻俱作塊子堅硬大小不等並皆治之

或作九服亦得

升麻

八錢

連翹

兩半

葛根

五錢

草龍膽

酒炒半兩

桔梗兩半

細黃芩

酒炒六錢黃栢酒炒二次

知母

酒洗炒兩

廣茂

酒洗炒兩

甘草

炙半兩

京三稜

酒洗

廣茂炒

黃連

去鬚酒洗五錢

右秤一半作丸煉蜜爲丸如菴葶大每服一百九或一

百五十九一半咬咀每服半兩若能食大便硬可旋加

至七八錢止水二盞先浸半日煎至一盞去查熱服臥

身脚在高處去枕頭嚙一口作十次嚙之留一口在後

送下九子服藥畢臥如常此治法也

散腫潰堅湯治馬刀瘡結硬如石在耳下至缺盆或至肩

上或至脇下皆手足少陽經中及瘰癧遍下頰或至頰車

堅而不潰在足陽明經中所出或二瘡已破及流膿水並

皆治之服藥多少臨病斟酌量病人飲食多少大便硬軟

以意消息之

柴胡稍

四錢

升麻

六錢

桔梗

兩

草龍膽

酒炒半兩

黃芩稍

酒洗炒八錢一半牛

連翹

三錢

甘草根

炙三錢

當歸

三錢

白芍藥

二錢

瓜蒌根

酒洗半兩

黃柏

去皮酒炒半兩

知母

兩半

葛根

二錢

黃連

二錢

京三稜

酒炒三錢

廣茂

酒洗炒三錢

昆布

去上兩

右咬咀每服六錢或七錢水二盞先浸半日煎至一盞

去渣稍熱服於臥處伸脚在高處頭微低每噙一仁作

十次嚥至服畢依常安臥取藥在胸中停留故也另攢

半料作細末煉蜜爲丸如葉葶大每服一百丸此湯留

一口送下更加海藻半兩炒食後量虛實加減多少服

皆做此例

救苦勝靈丹湯治馬刀挾瘻者從耳下或耳後下頸至肩

上或入缺盆中者乃手足少陽經之分野其瘻癰在於頰

陰陽明  
二經

下或至頰車者乃足陽明經之分野受心脾之邪而作也  
今將二證合治之

黃芪

一錢護皮毛實腠理及活血氣又  
實表補元氣乃陰家之聖藥也

人參三分

氣短及不調

而喘者加之

真漏蘆半錢勿以白

升麻一錢

葛根

半錢此三味俱  
足陽明本經藥

甘草

半錢能調中和  
諸藥為大益胃

連翹

一錢此一味乃十二經藥中之藥不可  
無者能散血結氣聚此為家之神藥也

牡丹皮

一分去腸胃  
中留滯宿血

當歸身

三分

生地黃

三分

熟地黃

三分此三味諸經中  
和血生血滋陰藥也

白芍藥

如夏

月信之其味酸其氣寒能補中  
益氣治腹痛如冬月寒症勿用

肉桂

二分大

散結聚如陰症瘡瘍少用之此寒因熱用之意又  
為陰寒發益其瘡用大辛熱去之煩燥者勿用

柴胡

五分少陽經勿用

黍粘子

三分無

昆布

二分味鹹若為堅硬甚  
者用之能散堅硬也

京三稜

炮二

廣茂

三分此二味皆堅硬甚  
者用之不硬者勿用

羌活

獨活

防風

各一錢巴上三味必關手足太陽

似長防風辛溫如毒在脈上脈無手足太陽

益智仁

二分如唾多者胃不和也或吐沫

麥芽

一錢消食健脾神效消化者用之

黃連

炒三分

厚朴

如腹脹加之二分

黃柏

炒三分如有熱或便

欲去夫者此腎中伏火也更宜加用

右共爲細末湯浸蒸餅埋作餅子晒乾搗如米粒大每

服三錢白湯下

如氣不順加橘紅甚者加木香少許

量病人虛實消息之母令藥多妨其飲食此治之大法

也 如止在陽明分者去柴胡黍粘子二味餘皆用之

如在少陽分爲馬刀挾瘦獨活瀉麻升麻葛根加瞿

麥三分

如本人氣素弱其病勢來時氣盛而不短促

者不可考其平素宜作氣盛而從病變治之權也加黃



芩黃連黃栢知母防已視邪氣在上中下而用之假令  
在上焦加黃芩半酒洗在中焦加黃連半酒在下焦加  
酒製黃栢知母防已之類選而用之如大便不通而  
滋其邪盛者加酒製大黃以利之如血燥而大便乾  
燥者加梔仁泥大黃如風結燥不行者加麻仁大黃  
以潤之如風澁而大便不行加煨皂角仁大黃秦朮  
以利之如脈澁覺身亦氣澁而大便不通者加郁李  
仁大黃以除風燥如陰寒症爲寒結秘而大便不通  
者以局方半硫丸或加炮附子乾薑煎候水冷服之  
大抵用藥之法不惟瘡瘍一家凡諸疾病氣素怯弱者  
當去苦寒之劑多加人參黃芪甘草之類以瀉火而補  
元氣餘皆倣此

濕痰

本 治 風 癱 癱 癱

土附子苗 食鹽三斤 小便五升

右三味同浸半月日取出將附子去黑皮陰乾爲末用

黑荳爛煮研爲膏丸附子末如桐子大每服十九酒吞

下早晚二服

雜方

**四**初發頭項硬未破者其効如神牡礪四兩甘草二兩爲

末每服一大錢食後臈茶同點日二服半月除根物虞世

鹹菓

漢治世義大官一切丈夫婦人瘰癧經効牡礪用炭一

稱煨通亦取出於濕地上用紙襯出火毒一宿取四兩玄

參三兩并搗羅爲末以麪糊丸如桐子大早晚食後臨臥

各三十九酒下藥將盡瘰亦除根出經

**四**治頷下瘰癧如梅李大宜速消之海藻一斤酒一升漬

數日稍稍飲之

辛散

**四**取藜子微炒研爲細末薄許酒調二三錢服治瘰癧久

則効

酸收

**世**治癩癧用夜合草遇夜則其葉閉合本草名合明俗名連錢母出禾田中貼水面生取其葉搗自然汁服之查盒患處効

甘緩

**臣**文武醫治癩癧用桑椹黑熟者二斗以布袋絞取汁石器中熬成膏子白湯化下一匙日三服紅者晒乾爲末湯調服

針灸

**聖**治癩癧腫硬疼痛年深時久不瘥用狸頭蹄骨酥灸黃搗羅爲散每日空心粥飲調下一錢七

**醫**黃帝曰寒熱癩癧在於頸腋者皆何氣使然岐伯曰此皆鼠瘻寒熱之毒氣也留於脈而不去者也鼠瘻之本皆在於藏其末上出於頸腋之間其浮於脈中而未內着於肌肉而外爲膿血者易去也黃帝曰去之奈何岐伯曰請

從其本引其末可使衰去而絕其寒熱審按其道以予之  
徐往徐來以去之其小如麥首一刺知三刺而已寒熱

右經一章皆從經脈取臟腑之本以治療瘰之末也其  
末出於耳下或耳後下頸至肩上或入缺盆中者當於  
手足少陽經取之或針或灸如後穴

**扁** 瘰癧天井 肩井

**攝** 瘰癧天井 半寸灸七

**臑** 腋下腫馬刀挾癭善自嚙舌頰天牖中腫寒熱 臨泣

丘墟 各一分 太衝 一分灸 腋下頸項腫 天池 順

三分灸 如頰腫加後路 二分灸 腋下腫馬刀挾癭喉

痺 陽輔 五分灸 山脈 一分灸三

**甲** 胸中滿腋下腫馬刀瘻善自嚙舌頰天牖中腫滯樂脛

凌頭眩枕骨頰顛痛目澁身痺洒淅振寒季脇支滿寒熱

腸腰腹膝外臙痛臨泣主之 馬刀腫癢淵液章門支溝

主之 出於頰下或至頰車者當於手足陽明經取之或

針或灸如後穴 三里足陽 合谷手陽

**丹**搗生商陸根作餅子置於癩瘰上艾炷灸餅子上乾卽

易之灸三四餅出外臺

**世**當癩上貼肉灸十四壯神効

**東**療癩馬刀將先出一瘡用四楞鐵環定住不令出移破

作口子以油紙撚紐之勿令合了以絕其瘡之源其効至

速如瘡不破或病人不肯破更以藥塗之三日一易之以

龍泉散主之方見表

**世**癩癰多生肩項或赤或白或沉或浮初生如其久似核

年月浸久其大如梅或如雞卵排行成列或生二三或生

六七俗云蟠蛇癩是也用性努力思慮過久則疾痛赤腫

繼之早治爲上

流注癰婦人多有之其性急躁其氣怫鬱其心執着初生在項破後膿注四肢遍體結毒如梅李狀不瘳自破孔竅相穿寒熱疼痛或流膿汁是名流注癰也又名千歲瘡宜服托裏救苦神應丸

川烏附

去皮臍生用一兩

烏頭五

當歸

酒浸一宿

沒藥

白芷

陳皮

甘草節

各一兩

蟬蛻

水洗半兩

大皂角

七錠去皮弦子

葛黃

一兩

右用皂角敲碎水四大碗煎至二大碗濾去渣用汁一同煮烏頭川烏候烏頭爛爲度搗如泥其餘諸藥却另爲末和烏頭泥爲丸如桐子大每服六十九丸飢飽皆用薄荷湯下若瘡既破穿鑿孔穴其處必生腫肉如指大或黑或白乃風與氣搏宜驅風行經散氣之劑以化氣

調經湯主之

化氣調經湯與神應丸間服治流注癥

香附末

酒浸一宿  
麴乾一兩

橘皮

二兩

羌活

一兩

白芷

一兩

甘草

半兩

牡蠣

煨半兩

天花粉

皂角刺

各半兩

右爲細末每服二錢用清湯不拘時候調下日三次

如脈有力者先用追毒神異湯下之却服救苦神應丸

辰砂

血竭

各一錢

麝香

一字共  
爲細末

大黃

半兩

大甘草節

半兩

右爲咀作一貼河水一鍾煎半鍾調前末子臨臥服

之

單窠癭者生一箇也發於頸項最難治但宜如前藥服之  
日久自消或發於顛骨亦難治用毒藥瘡之勿令

久蓮子癰一胞裹十數枚生於項之左右以手觸則能轉動尚可用藥治療如堅硬挨不動者乃不可生憎寒發熱燥渴凡遇此症至難治雖神聖亦無如之何也已

重臺癰生於項頸或左或右初則單窠結在上或在下重疊見之是名重臺癰此症藥不可療不可針灸若是毒行其腫痛發渴生痰萬死一生害人極速初覺有之急用小犀角九粉金散治之燕窠癰形似燕窠不可治

肺脈微瀉爲鼠瘻在頸支腋之間下不勝其上其應善瘻

全文見治虛書法  
○色白脈上治

**黃帝**曰決其生死奈何岐伯曰反其目視之其中有赤脈上下貫瞳子見一脈一歲死見一脈半一歲半死見二脈二歲死見二脈半二歲半死見三脈三歲而死見赤脈不下貫瞳子可治也

寒熱篇



禁忌

**四**夫瘰癧初發必起於少陽經不守禁戒必延及陽明經大抵食味之厚鬱氣之積曰毒曰風曰熱皆此二端招引變換須分虛實彼實者固易治自非痛斷厚味與發氣之物雖易亦難殊為可慮以其屬膽經主決斷有相火而且氣多血少婦人見此若月經行不作寒熱可生稍久轉為潮熱其症危矣自非斷欲絕慮食淡雖神聖不可治也

結核

獨形而小核者為結核

熱

**四**結核火氣熱甚則鬱結堅硬如果中核也不須潰發但熱氣散則自消

痰積

**四**結核或在項在頸在臂在身如腫毒者多在皮裏膜外多是痰注作核不散問其平日好食何物吐下後用藥散核

結核在頸項方

僵蚕炒

大黃酒浸

青黛

膽星各等分

右爲末蜜丸噙

結核在下頰二陳湯加酒炒大黃連翹桔梗柴胡

結核在臂二陳湯加連翹防風川芎酒蒼朮皂角刺僵

蚕麝香行太陰厥陰之積痰使結核自消甚捷

治頰下結核不消經効用大肚蜘蛛不拘幾箇以好酒

浸之研爛同浸酌酒去渣溫熱臨臥服之

瘦瘤

虛實

虛邪之入於身也深寒與熱相搏久留而內着寒勝其

熱則骨疼肉枯熱勝其寒則爛肉腐肌爲膿內傷骨內傷

骨爲骨蝕有所疾前筋疾筋二字衍文也筋當作結筋屈不得伸邪氣

居其間而不及發爲筋瘤有所結氣歸之衛氣留之不得

反津液久留合爲腸瘤久者數歲乃成以手按之柔已有  
所結氣歸之津液留之邪氣中之凝結日以易甚連以聚  
居爲昔瘤以手按之堅有所結深中骨氣因於骨骨與氣  
并日以益大則爲骨疽有所結中於肉宗氣居之邪留而  
不去有熱則化而爲膿無熱則爲肉疽凡此數氣者其發  
無常處而有常名也

刺節直邪歸○此皆虛邪中人爲病  
弗去而久留者故積成累月而成疽

**新**新寨一婦人年四十餘有瘤三辦戴人令以鹹吐之  
三涌三汗三下墮已消半次服化癭之藥遂大消去夫病  
在上者皆宜吐亦自有消息之法耳

**河**腦氣赤瘤丹燦熱勝氣也火之色也

**河**腦氣先須斷厚味

雜方 火

海藻

洗一

黃連

二

右爲末以少許置掌中時時砥之津咽下如消三分之  
二須止後服一方用黃柏二兩海藻一兩不用黃連亦  
佳

治瘰癧氣結核瘡癰腫硬以昆布一兩洗去醎搗爲末每用  
一錢綿裹於好醋中浸過舍之咽津藥味盡再嚙之

**無破結散**  
治頸下卒結囊欲成癭海藻一斤洗去醎酒浸飲之

海藻洗

草龍膽

海蛤

通草

昆布

礬石枯

松蘿各三分

麥麩四分

半夏

貝母各二分

爲末酒服方寸七日三忌鯽魚猪肉五辛生菜諸雜毒  
物十日知二十日愈

**玉壺散**治三種癭

海藻洗

海帶洗

昆布

雷丸各一兩

青鹽

廣茂各半兩

右等分爲細末陳米飲丸如榛子大噲化以煉蜜丸亦好

**子和** 人參化瘦丹

海帶洗

海藻洗

海蛤

昆布已上四味皆焙

澤瀉炒

連翹已上各等分

猪鬃

羊膻各十枚

即猪羊外腎乃藥中之卵也

右爲末蜜丸如鷄頭大臨臥噲化一二丸忌油膩物

**寶金散** 偏腎癭氣無不瘥

猪羊膻十對後曬乾作爲細末

海藻洗

海帶各二兩洗

丁香

木香

琥珀研

麝香各一分

真硃研半兩

右件先將丁香木香海藻海帶杵爲細末入下項藥味  
合和再研細重羅過每服一錢熱酒一盞調服夜臥服  
垂頭而睡若在室男女十服必効如男子婦人患者一  
月見効有胎不可服

海藻丸治瘰氣久不消

海藻洗

貝母

青皮

陳皮

右件各等分爲細末煉蜜爲丸如彈子大食後噙化一  
丸大効

枯癭方名一井散

硼砂

粉霜

雄黃

輕粉

沒藥

乳香

土黃

雄黃

兩去殼巴黃半兩去油  
一錢爲木用木蒸子同  
於坩堝內四十九日  
擊作小塊研細少許  
硼黃印離黃

右爲細末以津調塗瘡頂外邊歇一菲葉先以花紙貼  
之上用小黃膏貼之

小黃膏

黃柏

黃芩

大黃各等分

右爲細末以水調爲糊比前藥大一遭三日一易至八  
九日不取直候可取一方單用黃柏末亦佳

聖

小兒丹瘤草麻子五箇去皮研入麩一匙水調塗之甚

妙

出小兒門

羅生肌青龍散

訶子皮

高茶

龍骨

右件各等分爲細末乾摻上

又枯瘤方

砒

礪砂

黃丹

雄黃

輕粉

已上各一錢斑猫生用三箇

硃砂

乳香

沒藥

各一錢

右研爲末糯米粥爲丸捏作棋子樣爆乾先炙破瘡頂  
三炷以藥餅蓋上用黃栢末以水調貼之數日自然枯  
乾落下

一方以銅綠爲末草刺榴破摻上以膏藥塗之

**點瘡方神驗**

桑柴灰

棗樹灰

黃荆灰

桐殼灰

各二升半

蕎麥灰

少

右以沸湯淋汁五碗許澄清入斑蝥四十箇川山甲五  
片乳香腦子不拘多少約五碗煎作二碗用磁器盛之  
乳香腦子候冷入之後臨用時入新石灰調成膏神妙  
傳瘡上乾以清水潤之其効如神

**枯癩方**



桑柴灰三碗

石灰三碗

朽木三兩

乾桑耳三兩

草烏半斤

川烏四兩

右朽木等四味一處燒灰令有性同前二灰研勻用水

一桶淋汁如法熬成膏用之

針灸

**取**諸瘦惡氣

肩髃男左灸十八壯右十七壯  
女右灸十八壯左十七壯

又法 天府北七

衝陽陽年北

**甲**瘦天窻

一作天容千  
金作天府

及臑會主之

瘦瘠氣合主之

**取**在西華眾人皆訕以爲吐瀉而已一日魏壽之與戴

人入食肆中見一夫病一瘤正當目上綱內青色如灰李

下垂覆目睛不能視物戴人謂壽之曰吾不待食熟立取

此瘤魏未之信也戴人曰吾與爾取此瘤何如其人曰人

皆不敢割戴人曰吾非用刃割別有一術其人從之乃引

入一小室中令俛臥一床以繩束其脰刺委中大出血先

令以手揉其目瘤上亦刺出雀糞立平出戶壽之大驚戴  
人曰人之有技可盡窺乎 郟城戴人之鄉也一女子未  
嫁年十八兩手背皆有瘤一類鷄距一類羊角腕不能鉤  
向明望之如樨膠然夫家欲棄之戴人見之曰在手背者  
爲膠瘤在面者爲粉瘤此膠瘤也以銚針十字刺破按出  
黃膠膿三二匙立平瘤核更不再作婚事復成非素明者  
不敢用此法耳

**治果報面生瘡瘤**方用艾丸灸十壯卽用醋磨硫黃塗  
帛上剪如螺螄掩子大貼所灸處更用膏藥重貼二日一  
換候痒擠出膿如菘葶粉卽愈硫黃羅謙甫作雄黃

診禁

**瘰癧**多着於肩項瘤則隨氣凝結此等皆年數深遠浸大  
浸長堅硬不可移者名曰石瘰皮色不變者名曰肉瘰筋  
脈露結者名曰筋瘰赤脈交結者名曰血瘰隨憂愁消長

者名曰氣瘰五瘰皆不可妄決破決破則膿血崩潰多致  
天枉痛則有六骨瘤脂瘤肉瘤膿瘤血瘤亦不可決潰肉  
瘤尤不可治治則殺人唯脂瘤破而去其脂粉則愈

**四**服瘰癧藥先須斷厚味

目眇瘍即俗謂之  
眇眇也

運氣

運氣目眇方有二

一曰熱經云少陰司天之政三之氣大火行寒氣時至民  
病目赤眇瘍治以寒劑也

二曰燥經云歲金太過民病目赤腫眇瘍又云陽明司天  
燥淫所勝民病目眇眇瘍治以溫劑也

雜方

**世**治偷針眼方

南星

生風未  
三錢

生地黃

不拘  
多少

右一處研成膏貼太陽兩邊腫自消

又方治偷針眼生薑搗細盒之淚出卽愈

天蛇頭 代指

雜方

**丹**蒲公英草清明時節如薺菜狀中開一朵花如菊花者取乾與蒼耳草二味等爲末以好醋濃煎浸洗卽愈

蒲公英忍冬酒治天蛇頭極効累驗方見乳毒門

**世**治天蛇頭蒲公英搗細水和調去查服之又搗查盒患處屢効

治天蛇頭用

野落蘇卽兼金銀花藤 天蕎麥

右切細用好米醋濃煎先薰後洗

又方用人糞雜黃泥搗之裹在患處卽愈

**丹**治手指忽腫痛名爲代指以烏梅入醋研浸患處立瘥治手指腫酸漿水入少鹽熱浸之冷卽易孫真人方

甲疽嵌甲 嵌正齒反

雜方

**鹽**治甲疽因剔甲傷肌或因甲長侵肉遂成瘡腫痛復綠穿窄靴研損四邊腫嫩黃水出浸淫相染五指俱爛漸漸引上脚踏跑漿四邊起如火燒瘡日夜倍增醫方所不能療者用綠礬五兩形色似朴硝而綠色置於鐵板上聚炭封之吹令火熾其礬卽沸流出色赤如溶金汁者是真也候沸定汁盡去火待冷取出研爲細末色似黃丹收之先以鹽湯洗瘡帛裏乾用此末傅之愈

**鹽**治甲疽努肉裹甲膿血疼痛不瘥凡此疾須剔去肉中甲不治亦愈或已成瘡不瘥用乳香末臙焚燒研等分傅之內消愈

**勝金**方治甲疽努肉膿血疼痛不瘥用牡蠣頭厚處生研爲末每服二錢研錠花酒調下如瘡盛已潰者以此

傅之更服煎藥一日三服

四嵌甲陷甲割甲成瘡久年不瘥者用烏頭尖黃柏等分末之洗淨貼之

五華陀治嵌甲累効方

硃砂

乳香並研各一錢膩粉半錢

橄欖核燒存性用

三箇

黃丹一字

右爲末以生麻油調先以鹽湯洗淨搥乾傅之二次効

乳癰乳巖

乳癰  
明厥陰  
所屬

六乳梗論○乳房陽明所經乳頭厥陰所屬乳子之母不知調養怒忿所逆鬱悶所遏厚味所釀以致厥陰之氣不行故竅不通而汁不得出陽明之血沸騰故熱甚而化膿亦有所乳之子隔有滯痰口氣焮熱含乳而睡熱氣所吹遂生結核於初起時便須忍痛揉令稍軟吮令汁透自可

消散失此不治必成癰癤治法踈厥陰之滯以青皮清陽  
明之熱細研石膏行污濁之血以生甘草節消腫導毒以  
瓜蒌子或加沒藥青橘葉皂角刺金銀花當歸頭或湯或  
散加減隨意消息然須以少酒佐之若加以艾火兩三壯  
於腫處其効尤捷彼村工喜於自銜便妄用針刀引惹拙  
病良可哀憫若夫不得於夫不得於舅姑憂怒鬱遏時日  
積累脾氣消沮肝氣橫逆遂成隱核如驚棋子不痛不痒  
十數年後方爲瘡陷名曰妳巖以其瘡形狀凹似巖穴也  
不可治矣若於始生之際便能消釋病根使心清神安然  
後施之治法亦有可安之理予族姪婦年十八歲時曾得  
此察其形脈稍實但性急躁伉儷自諧所難者後姑耳遂  
以单方青皮湯間以加減四物湯行經絡之劑兩月而安  
此病多因厚味濕熱之痰停蓄膈間與滯乳相搏而成

又有滯乳因兒口氣吹噓而成又有拗怒氣激滯而生者  
煨石膏燒樺皮瓜蒌子甘草節青皮皆神效藥也婦人此  
病若早治之便可立消有月經時悉是輕病五六十後無  
月經時不可作輕易看也

乳癰

青皮

瓜蒌

橘葉

連翹

桃仁留尖

皂角刺

甘草節

破多加參芪

**神效瓜蒌散**治乳癰疔瘰神效丹溪亦云妙捷恐貧賤之家未能辦集者用後蒲公英草尤妙

瓜蒌

一箇去皮焙過末子多者有力

甘草生

當歸酒浸焙各半兩

乳香另研

沒藥另研各二錢半

右爲末用無灰酒三升於銀石器內慢火熬取一升清汁分作三服食後良久服如有疔瘰便服此藥可杜絕



病根如毒氣已成能化膿爲黃水毒未成卽於大小便  
中通利如疾甚再合服以退爲度 立効散與前方同  
服神妙但於瓜萎散方減去當歸加紫色皂角刺一兩  
六錢是也

**不**蒲公英草味甘平無毒主婦人乳癰腫水煮汁飲之及  
封之立消

**丹**蒲公英在處田間路側有之三四月開黃花似菊味甘  
解毒散滯意其可入陽明太陰經洗淨細研以忍冬藤濃  
煎湯入少酒佐之隨手便欲睡睡覺已失之矣

**張氏**橘皮湯治乳癰未結卽散已結卽潰極痛不可忍  
者神効因小兒吹乳變成斯疾者並皆治之用陳皮一味  
湯浸去白晒乾麩炒微黃爲細末麝香研酒調二錢物發  
覺赤腫疼痛一服見効

**乳** 瘰初發腫硬一服差真樺皮末酒服方寸七睡省已

失出 失

**羅** 勝金丹治婦人吹乳極有神効用百齒霜即木梳上髮垢右一味不拘多少用無根水爲丸如桐子大每服三九倒流水送下食後令病左乳者左臥右乳者右臥於溫處汗出愈用新水傾於房上接之乃倒流水也

**圖** 治婦人妳疼痛不可忍用川山甲灸黃木通各一兩自然銅半兩生用三味搗爲細末每服二錢溫酒調下不拘時候

**圖** 婦人吹乳獨勝散白丁香半兩搗羅爲末每服一錢七溫酒調服無時

**圖** 治婦人吹乳皂角散誦曰婦人吹乳意如何皂角燒灰蛤粉和熱酒一杯調一字頃間揉散笑呵呵

又方

乳香

併一錢

瓜蒌根末

兩一

右研令勻溫酒調服二錢

有熟者清之

**楊** 孺人乳腫痛

青皮

石膏

連翹

皂角刺

炒

黃蘗子

當歸頭

木通

各一錢

甘草

生三分

作一貼入好酒些少同煎飲之又有別藥洗腫處

義二孺人平時乳內有結核不為痛忽乳邊又有一腫核

頗却有些痛

黃芩

川芎

木通

陳皮

各四錢

人參

芍藥

大腹皮

各三錢

炙甘草

生甘草

各一錢

當歸頭

一錢

分二貼煎服

**丹** 二孺人但經將行而乳腫先兩日發口乾而不渴食少

減脈左弦帶數右却平治用四物湯加陳皮白朮茯苓帶  
熱下與點九三十粒

產後乳膨調麥牙飲自消

產後輕者內消者下之

連翹湯治產後妬乳并癰

連翹

升麻

芒硝各一兩

玄參

芍藥

白薇

防己

射干各八錢

大黃

甘草

杏仁四十粒  
去皮尖

右咬咀以水六升煮二升下大黃次芒硝分三服

乳若在早下

一婦人年六十厚味鬱氣而形實多如夏無汗而性急

忽左乳結一小核大如棋子不痛自覺神思不佳不知食

味絕半月以人參湯調青皮甘草末入生薑汁細細呷一

日夜五六次至五七日消矣此乃妳若之始不早治隱至

五年十年已後發不痛不痒必於乳下潰一竅如巖穴出

雜考  
貼

膿又或五七年十年雖飲食如故洞見五內乃死惟不得於夫者有之婦人以夫爲天失於所天乃能生此謂之巖者以其如穴之欽呀空洞而外無所見故名曰巖患此者必經久淹延惟此婦治之早正消患於未形餘者皆死凡十餘人又治一初嫁之婦只以青皮甘草與之安

用蒲公英搗爛愈患處神妙

用天南星末以溫酒調塗之

治婦人乳痛成癥以益母草爲末水調塗乳上一宿自瘥生搗爛用之亦得

婦人吹乳用素樹蛙脣飯搗成膏貼之

乳頭裂破丁香末傅之

楊師方

穴乳癰 乳中穴 在乳下中針入一分沿皮刺後一寸半灸五

甲 乳癰寒熱短氣臥不安膺窓主之 乳癰寒熱痛

針灸

不可按乳根主之 大驚乳痛梁丘主之 乳癰有熱三

里主之 乳癰諸藥不能止痛者 三聖散入五分立止 女子乳癰鴛巨虛下廉

主之 千金云臂腫重 足趾不收眼痛 乳癰太衝及復溜主之 妬乳太

淵主之 婦人乳餘疾盲門主之

囊癰陰頭癰

外科精要云癰疽入囊者死囊屬厥陰今以死言之將

以爲屬少陰腎經邪予親見入囊者七八人悉以濕熱入

肝經施治而用補陰藥佐之雖膿潰皮脫舉丸懸掛可畏

者皆不死但未知下虛年老者如何耳

治丈夫陰頭癰師所不能醫用鱉甲一枚燒末以鷄子

白和傅之良

便毒母

治穀道前後生癰謂之懸癰用橫紋甘草一兩四寸截

陰

虛

斷以長流水一碗文武火慢慢釀水炙自早至午炙令水盡甘草中心見水潤爲透細剉却用無灰好酒二小杯入甘草煎至一杯溫服之二三服便可保無虞此病初發如松子大漸如蓮子數十日後始覺赤腫如桃子卽破若破難治此藥雖不能消過二十日後必盡消矣投兩服亦無害林判院嘗患此癰已破服此藥兩服瘡卽合甚妙

**丹**騎馬癰用大粉草帶節四兩長流水一碗以燂浸水盡爲末入皂角灰少許作四服湯調頓服立效

**垣**青皮湯治便毒

青皮

防風

當歸身

甘草稍

生各等分

右咬咀分作四服水一小碗煎至八分去粗大溫服空心日進三服

**丹**毒腫或着陰卵或偏着一邊痛牽引小腹痛不可忍

方見

內錄

瘡疽雜病  
毒引小腹條

子<sub>王燭散</sub>  
即四物湯調胃承氣湯各半服之也

世又方

劉寄奴 王不留行 大黃 金銀花

木鱉子

右等分酒水煎露一宿五更服

便毒初起

射干<sub>二</sub> 生薑<sub>如指大</sub>

右取順流水煎微沸服之以瀉為度又用牛皮膠醋煮

塗患處

已結成膿者

大黃<sub>兩半</sub> 枳實<sub>三</sub> 厚朴<sub>三</sub> 甘草節<sub>一</sub>

連翹<sub>錢半</sub> 梔仁泥<sub>一枚</sub> 生薑<sub>三片</sub>



右作一貼煎服之

又便毒

青皮

白芷

柴胡

赤芍藥

檳榔

朴硝

烏藥

木瓜

大黃

連翹

瓜蒌

生地黃

甘草節

三稜

蓮木

黃芩

犀角

皂角刺

右咬咀水三碗煎至一碗大飢服以瀉爲度

雜方

便毒取大蜘蛛一箇研細熱酒下

又方用甘草節白芷黃連各等分如破者龍骨白枯禁

赤石脂并用鐵圍散癰疽腫毒亦治用之效

乳香

沒藥各半

大黃

黃連

黃柏

南星

半夏

防風

羌活

皂角刺

木鱉子

瓜蒌

甘草節

草烏尖

阿膠另研

右爲細末醋調成膏以石器內火熬黑色驚翎傳之

貼骨癰

**保** 諸瘡大痛不辨肉色漫腫光色名附骨癰如神三生散

露蜂房

蛇退

頭髮洗淨等分

右燒灰存性研細酒下三錢

**附** 骨癰熱在血分之極初發時以青皮甘草治之破後當養血

內癰有三

**癰** 肝滿腎滿肺滿皆實卽爲腫王註云滿謂脈氣肺之癰

喘而兩胛滿仲景云肺逆吐膿肝癰兩胛滿臥則驚不得

小便腎癰脚下至小腹滿大奇論林億云脚下當作胛

腹腫強按則痛便數似淋仲景云腸癰小腹痞堅蓋小腹  
痛而痞堅者腎癰也小便數而似淋者腸癰也卽肺癰肝  
癰之

胃脘癰人迎脈逆而盛

全文見後  
胃脘癰條

肺癰腸癰胃脘癰

肺癰若  
法

癰疽發於內者肺癰肝癰腎癰腸癰囊內癰附骨癰惟  
肺癰須先解表今表而出之

欬唾膿血其脈數實者爲肺癰若口中欬卽胃中隱痛  
脈反滑數此肺癰也

問曰病者欬逆何以知其肺癰當有膿血吐之則死其脈  
何如曰寸脈微而數微爲風數爲熱微則汗出數則惡寒  
風中於衛呼氣不入熱逼於榮吸氣不出風傷皮毛熱傷  
血脈風舍於衛其人則欬口乾喘滿咽燥不渴多吐濁沫  
時時振寒熱之所過血爲凝滯蓄結癰膿吐如米粥始萌

可救膿成則死 問曰振寒發熱寸脈滑數其人飲食起居如故此爲癰腫醫反不知以傷寒治之不應何以知有膿膿之所在何以別知其處師曰假令膿在胃中者爲肺癰其脈數欬吐有膿血設膿未成其脈自數緊去但數爲膿已成也

**要** 小青龍湯

方見傷寒論

**要** 葶蘆大棗瀉肺湯治肺癰喘不得臥

葶蘆

炒黃研細九如薤大

大棗

十二枚

水三升入棗先煮取二升去棗入葶蘆又煮一升頓服之又曰治肺癰胸滿脹一身并面目浮腫鼻塞涕出不知香臭酸辛咳逆上氣喘鳴迫塞用前方三日一劑可至三四劑須先與小青龍湯一劑乃與之

**要** 桔梗湯治欬而胸滿振寒脈數咽乾不渴時出濁唾腥

臭久久吐膿如粥者肺癰也

桔梗

甘草炙各一兩

水三升煮取一升去查分溫再服則吐膿血也亦治喉痺三因甘草倍之每四錢名四聖散千金亦名桔梗湯用桔梗三兩甘草二兩服後必吐膿血

**嬰莖湯**治肺癰又云一本治欬有微熱煩滿心胸甲錯

葶藶切三升

薏苡仁半升

冬瓜仁半升

梔仁五十枚去皮

水一斗先煮葶藶得五升去粗入諸藥取二升分溫五

服當吐如粥千金云肺癰當吐膿血

常莖即汀洲間葶藶之粗種也

治吐膿血如肺癰狀口臭他方不應者宜消風散入男子

髮灰研細入和之清米飲下可除根只兩服亦治吐血消

散方荆芥川芎羌活人參茯苓白芍防風藜香蟬蛻各二錢厚朴陳皮各半兩為末是也

**常山**獨行方治心胃甲錯為肺癰黃昏湯主之用夜合皮

掌大一枚水三升煮取二升分再服

夜合樹按本草即烏農樹

右肺癰證治要畧以小青龍湯先與一劑乃行氣取膿之藥將以解表之風寒邪氣此治腫瘍之例也後以芎  
宙方終之者將以補裏之陰氣此治潰瘍之例也

上方

皆丹溪所集

取屢錄方

**梅**如聖丸治風熱毒氣上攻咽喉痛痺腫塞妨悶及肺癰喘嗽唾膿血胃滿振寒咽乾不渴時出濁沫氣臭腥久久咯膿狀如米粥

樟腦別

牛黃別

桔梗

甘草生用各一錢

右爲細末煉蜜丸每兩作二十九丸每用一丸噙化

**四濟生桔梗湯**治肺癰心胃氣塞咳嗽膿血心神煩悶咽乾多渴兩足腫滿小便赤黃大便秘澁桔梗貝母川歸瓜  
葵仁枳殼薏苡仁桑白皮防風已上各一兩生甘草杏仁

蒸百合各半兩黃芪一兩半右修事吹咀每服四錢水一碗半生薑五片煎至八分去查服若大便秘加大黃小便秘加木通

**桔梗白散**治欬而胸滿振寒脈數咽乾不渴時出濁唾腥臭久久吐膿如米粥者為肺癰

桔梗

貝母各三分

巴豆一分去皮炒研如脂

右三味為散強人飲服半錢七歲者減之病在膈上者吐膿血膈下者瀉出若下多不止飲冷水一碗則定此要畧方丹溪不刪採用之者必有餘意存焉

**肺癰醫壘元戎**搜風湯吐之搜風湯未考

**治肺癰吐膿血作臭氣胃乳皆痛升麻湯**

川升麻

桔梗

薏苡仁

地榆

牡丹皮

芍藥各半兩

甘草二分

補  
方

診

右劉爺末每一兩水一升半薑五片煎去渣日三服

**丹**濟生排膿湯治肺癰得吐膿後以此排膿補肺生綿芪  
二兩細末每二錢水一碗煎一半服 肺癰收斂瘡口止  
有合權樹皮白欬煎湯飲之

肺癰已破入風者不治 腸癰千金謂妄治必殺人腸癰  
為病小腹重而強按之則痛便數似淋時時汗出復惡寒  
身皮甲錯腹皮急如腫狀其脈數者小有膿也巢云洪數  
者已有膿脈若遲緊者未有膿甚者腹脹大轉側有水聲  
或透臍生瘡或膿自臍出或大便出膿血

**脈**問曰羽林婦病何以知腸有膿師曰脈滑而數滑則為  
實數則為熱滑則為榮數則為衛衛數下降榮滑上升榮  
衛相干血為敗濁小腹痞堅小便或澀或自汗出或復惡  
寒膿為已成設脈遲緊則為瘀血血下即安



例 腫脹

要 薏苡附子敗醬散治身甲錯腹皮急如腹脹本無積聚  
身熱脈數者

附子炮二

敗醬分五

薏苡仁分一

右爲末每服方寸匕以水二合煎頓服小便當下三因  
薏苡仁附子同前敗醬用一兩一分每四錢水一盞半  
煎七分去查空心服

干 大黃牡丹湯治腸癰小腹痞堅或偏在膀胱左右其色  
白堅大如掌熱小便自調時自汗出脈遲堅者未成膿可  
下之當有血脈數膿成不復可下

大黃兩四

牡丹皮兩三

芒硝兩二

冬瓜仁升一

梔仁五十

右咬咀水五升煮一升頓服當下膿血稠繁用芒硝半  
合瓜子五合劉涓子用硝石三合肘後同名瓜子湯三

因用大黃枳仁各二分瓜子三分牡丹皮一錢硝一錢  
劉散作一貼水三盞煎至八分去渣入硝再煎沸頓服  
無時

**【**薏苡湯治腸癰腹中痛煩躁不安或脹滿不食小便澀  
婦人產後虛熱多有此病縱非癰但疑是者便可與或有  
差亦無妨薏苡仁五兩牡丹皮桃仁各三兩瓜子仁四兩  
劉散每四大錢水盞半煎七分服姚氏去桃仁用杏仁崔  
氏加芒硝二兩千金方同

例  
瀉腸補

醫案曰女子腹痛百方不治脈滑數時作熱腹微急孫診  
曰腹痛脈當沉細今脈滑數此腸癰也以雲母膏一兩作  
丸如桐子大以牛皮膠烱溫酒調膠水下九子藥劑時服  
盡膏下膿血一盆而安

**【**灸法屈兩肘正肘頭銳骨是穴灸百壯下膿血而安

王氏餘話有婦人腸中痛不可忍大便自小便出李生診之曰扎脈見於陽部此腸癰也乃出雲母膏作百十九煎黃芪湯吞下利膿血數升而安李曰寸扎積血在胃關扎爲腸生癰也李乃楊吉老之壻棄舉業習醫官取醫博士內疽者皆因飲食之火挾七情之火相鬱而發飲食者陰受之七情者臟腑受之宜其發在腔子而向裏非干腸胃盲膜也謂之內者以其視之不見故名焉

右腸癰五方丹溪先生所集也前三方內其要畧一方元本雖云內有癰膿然先生不言之而又連千金三因二方置於篇首者蓋亦腫瘍瀉利例也後二方用膠炘黃芪煎湯吞藥者蓋亦潰瘍補例也

診  
**診**帝曰人病胃脘癰者診當何如岐伯曰診此者當候胃脈其脈當沉細沉細者氣逆

甲乙經沉細作沉澁

逆者人迎甚盛甚

雙

盛則熱人迎者胃脈也逆而盛則熱聚於胃中而不行故  
胃腕爲癱也病能

射干湯治胃腕癱人迎脈逆而盛嗽膿血榮衛不流熱  
聚胃口成癱

射干毛去

梔仁

赤茯苓去

升麻各一兩

赤芍藥一兩半 白朮半兩

右爲末每服五錢水二盞煎至一盞去查入地黃汁一  
合蜜半合再煎溫服不計時候

要復元通氣散治諸氣澁耳聾腹癱便癱瘡疽無頭止痛  
消腫

青皮

陳皮各四兩

甘草三寸生 川山甲炮

瓜蒌根各二兩

金銀花一兩

連翹一兩

右爲細末熱酒調下

診

腸癰大腸有熱積死血流注桃仁承氣湯加連翹秦芫  
近肛門破入風者難治用防風之類 大凡破傷風在  
頭面則以白芷爲君防風頭佐之蓋去頭面皮膚之風故  
也在身體及四肢則以防風爲君隨身稍用下部則以獨  
活佐之 肺癰吐膿後其脈短而澹者自痊浮大者難治  
其面色白而反赤者此火之尅金皆不可治  
金匱方論曰熱在上焦者因欬爲肺痿肺痿之病何從得  
之或從汗出或從嘔吐或從消渴小便利數或從便難又  
被快藥下利重亡津液故寸口脈數其人欬口中反有濁  
唾涎沫者爲肺痿之病若口中辟辟燥欬卽胃中隱隱痛  
脈反滑數此爲肺癰欬唾膿血脈數虛者爲肺痿數實者  
爲肺癰

按此言肺痿屬熱如欬久肺傷聲啞聲嘶咯血此屬陰

虛火熱甚是也本論治肺痿吐涎沫而不效者其人  
渴必遺尿小便數以上虛不能制下故也此爲肺中冷  
必眩多涎唾用炙甘草乾薑此屬寒也肺痿吐涎多心  
中溫液者用炙甘草湯此補虛勞也亦與補陰虛火熱  
不同是皆宜分治之故肺痿又有寒熱之異也

**論**勞傷血氣腰理虛而風邪乘之內盛於肺也則汗出惡  
風咳嗽短氣鼻塞項強脅脹滿久久不瘥已成肺痿也  
**論**肺癰者由食啖辛熱炙燂或酣飲熱酒燥熱傷肺所致  
治之宜早

